

夫婦相濡以沫數十載 中電燃亮長者姿彩生活

彭炳光同妻子係長期病患者，經常要去政府醫院覆診。雖然有生果金同埋仔仔界嘅生活費，但扣除醫療開支後，生活費真係所餘無幾，因此平時盡量慳得就慳，情願手洗衣服、唔開冷氣，甚至連病咗都唔捨得睇醫生。

就係佢哋如常參加社區會堂舉辦嘅免費活動期間，偶爾見到中電燃料費資助計劃廣告，於是透過香港社區網絡申請，成功領到一筆過\$600資助。

中電嘅社區支援為佢哋「清茶淡飯」生活帶來一點色彩，兩夫婦收到\$600資助相當雀躍，認為除咗減輕電費負擔，呢筆資助仲夠佢哋一星期支出。彭太太講笑話：「成日比佢關我病都唔睇醫生，而家夠我睇兩次醫生喇。」

雖然中電燃料費資助計劃已經完滿結束，但緊緊會有「中電基層家庭電費補助計劃」，3月27日開始接受申請，合資格人士記得留意我們網頁公佈、帶齊相關文件搵返我地嘅協作伙伴。今年中電仲會繼續推出多項社區支援計劃，大家記得留意喇！



中電又有新搞作啦！今次邀請大家「玩轉元宇宙」。唔需要機票就可以登上飛船，進入中電元宇宙世界 – CLP TomorrowVerse！你準備好出發未？

CLP TomorrowVerse係一個用綠色能源推動嘅元宇宙城市。踏入 CLP TomorrowVerse，你就可以盡情探索發電廠、再生能源區域、城市設施同住宅設施，了解唔同低碳生活嘅模式。喺CLP TomorrowVerse裡面，你哋甚至可以同動物傾偈，學習有趣嘅低碳知識。

唔止有得參觀，仲可以玩埋一份！CLP TomorrowVerse 共設有9個刺激任務比你挑戰，需要大家「飛天遁地」、「上山落海」，你會認識到更多綠色知識。



尋找電動巴士的蹤跡 究竟減到幾多碳？

為支持低碳運輸，致力實現2050碳中和，中電積極配合推動綠色駕駛。不經不覺，九巴電動巴士「綠色巴士」嚟咗香港已經兩年啦！

如果大家有搭過，會發現電動巴士比起傳統柴油巴士更加寧靜；即使行走市區繁忙路段及快速公路，途經上坡落斜嘅路段，行車依然穩定順暢；而且電池擺位經過特別編排，令車廂空間媲美傳統巴士，座位亦寬闊舒適，令大家享受到更環保、舒適、寧靜和安全嘅出行體驗。

電動巴士充電大約兩個鐘已經可以行駛300公里，足以應付每日8成巴士路線的運作需要。九巴目前有82輛電動巴士，行走37條路線，總行駛里數達220萬公里。由於電動巴士係行駛過程中沒有尾氣排放，碳排放亦較低，使用電動巴士可減少近3,000公噸碳排放。

電動巴士而家已經提供過海路線啦，未來將有更多電動巴士投入服務。



慳電家居 (上) 半開放式廚房 設計時尚 慳電又實用

近年愈來愈多新居選用開放式廚房設計，貪其空間感同視覺效果闊落。今日就教你點樣設計一個充滿時尚感之餘又慳電嘅廚房！其中半開放式廚房揉合咗梗廚同開放式間隔嘅好處，即刻介紹吓！

玻璃設計擋油煙 大增空間感
想要空間感同時又要實用美觀，可以考慮將廚房門改成玻璃趟門，增加採光亦可透過視覺穿透增加空間感。而趟門亦都解決油煙亂飄嘅問題，抽油煙機都唔洗開咁密，通爽又慳電之餘，仲有效劃分客廳同廚房間隔。

安裝嵌入式廚電
設計半開放式廚房時可以考慮嵌入式家電，包括電磁爐，抽油煙機。除咗慳電、更易清潔之外，電磁爐嘅煮食能源效益更高達9成，慳電之餘仲有效減少油煙，實用又美觀。

今集講住咁多先，下期會講插頭安裝同使用拖板，其實都大有學問，識得點裝電掣插頭，長遠能達致慳錢慳電效果！



用中電APP有任何問題？ 問智能小助手超人中中啦！

Q 我最近轉左電郵地址，想更新接收電子賬單嘅電郵。但又唔識喺中電App度改，有無教學呀？

A 我哋嘅智能小助手超人中中可以幫你解決上述問題！只要你登入中電App，然後點擊右下角超人中中嘅圖像，佢就會即時出現～

Hello! 我係超人中中，亦係中電智能小助手！無論你打算搬新屋、處理賬單定係有任何查詢，我都會喺度為你提供協助。你可以問我有關住宅客戶服務嘅問題。

一於介紹吓超人中中可以點樣幫你先！

1. 助你即時更改接收電子賬單地址
2. 即時查閱及下載過往6期電子賬單



想發掘更多新功能，即刻下載及登入中電App問問超人中中啦！